



XV CARREIRA DE FIN DE ANO

Regulamento da Proba:

“ XV Carreira de fin de ano 2019 Mugardos-Ares-Mugardos”.

- **DATA:** 29 DE DECEMBRO DE 2019. Proba incluída no calendario da FGA
- **HORARIO:** Saída ás 11 da mañá da Casa do Concello de Mugardos.
- **LUGAR:** Acreditacións e meta no Pavillón polideportivo do Cristo concello de Mugardos.
- **DISTANCIA A PERCORRER:** 10 km.(non homologados)
- **IDADE:** Ter cumpridos 16 anos na data da proba.
- **CLASIFICACIÓN:** A clasificación e a cronometraxe será electrónica e apoiada polo Comité galego de xuíces. Farase unha clasificación xeral única.
- **INSCRICIÓNS :** Ate as 23:59 do 25 de decembro na pasarela

<http://www.carreirasgalegas.com> realizando un pago de 4 € . Número máximo de prazas 500.

Retirada de dorsais o sábado 28 de decembro 9 a 14 e de 17 a 20.30 e o propio día da Carreira no Pavillón polideportivo do Cristo de 9:00 a 10:30. A retirada do dorsal será a confirmación da asistencia á proba.

- **PERCORRIDO:** Mugardos-Ares-Mugardos.

Ás 10'50 horas concentración previa a saída da proba na Avenida de Galicia diante do Concello de Mugardos, dende a saída faise un percorrido polo casco urbano, rúa María, avd. de Galicia, rúa do Mercado, rúa Apelón, rúa Castelao, avenida de Galicia, logo rúa dos Corzás dirección Ares (AC-130), entrase na vila de Ares pola avd. de Mugardos até o Paseo marítimo onde se xira á esquerda, neste punto haberá un avituallamento líquido, séguese o paseo marítimo ate que se chega á avd. Saavedra Meneses que se percorre ate o cruce da rúa Federico García Expósito onde se xira á esquerda cara esta rúa. Ao rematar a Rúa Federico García Expósito acadamos de novo a Avd de Mugardos dirección Mugardos pola

AC-130 ate o cruce dos Catro camiños en Mugardos onde se entra á rúa do Cristo para rematar a proba fronte ao Polideportivo municipal de Mugardos.

Tempo máximo de control da chegada 70' logo da saída. Avituallamento sólido e líquido para todas as persoas participantes ao chegar á meta. Por cuestións alleas á organización como obras públicas ou privadas poderá haber pequenas variacións no circuíto descrito. Durante toda a carreira o tráfico estará restrinxido e todos os cruces controlados por policía e protección civil debendo os participantes atender as súas indicacións.

O tempo estimado da proba é de entre 31 min e 70 min.

Ao remate da carreira farase unha clasificación xeral por tempos nunha categoría única. Todas as persoas participantes que rematen a proba participaran no sorteo de 10 cestas do Nadal.

As dúbidas e interpretación das normas serán resoltas segundo a normativa en vigor da FGA para probas de estas características.

A cobertura do seguro de accidentes deportivos non cubre patoloxías nin lesións anteriores ou alleas á proba sendo responsabilidade de cada participante a cobertura das mesmas así como o de estar nas condicións físicas axeitadas para realizar a proba.

- Organizan: Concellos de Mugardos e Ares e a Federación Galega de Atletismo

OUTRAS DISPOSICIÓNS

Non está permitido o acompañamento na proba de ningún vehículo alleo á organización; nin bicicletas, patíns ou persoas non inscritas na proba que poidan acompañar, avituallar ou marcar ritmos aos participantes.

ASISTENCIA MÉDICA: A organización contará con servizos médicos e ambulancia na zona de saída/meta. Os servizos médicos e o xuíz árbitro da competición están facultados para retirar da carreira a calquera participante que manifeste un mal estado físico durante o desenvolvemento da mesma.

SEGURO: Todos os participantes estarán amparados por unha póliza de Responsabilidade Civil e accidentes deportivos, que cubrirá os accidentes que se produzan como consecuencia directa do desenvolvemento da proba. Quedan excluídos os casos derivados dun padecemento latente, imprudencia ou inobservancia das leis, da normativa da competición, etc. Tamén quedan excluídos os casos producidos polo desprazamento ao lugar da competición ou desde o mesmo. A inscrición implica ler, entender e adquirir o compromiso que a continuación se expón: Certifico que estou en bo estado físico. Eximo de toda responsabilidade que da participación no evento puidese derivarse, á organización, patrocinadores comerciais ou sponsors, empregados e demais organizadores. Coa realización da inscrición, todo participante cede os seus dereitos de imaxe á organización, que utilizará as imaxes de acordo coa Lei de Protección de Datos.

ACEPTACIÓN DO REGULAMENTO: Todos os participantes, polo feito de inscribirse e tomar a saída na carreira, aceptan o presente regulamento, e no caso de dúbida ou de xurdir alguna situación non prevista no mesmo, resolverase de acordo ao que dispoña o Comité Organizador e polas normas da FGA, RFEA e IAAF en vigor.

LOPD: Todos os corredores/as ó realizar a inscrición aceptan a publicación do seu nome e imaxe nas clasificacións, medios de comunicación e/ou internet.

NOTA: Esta proba pertence ao Calendario Oficial da FGA e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licenza de día de ranking popular e probas de ruta. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avda. de Glasgow 13 15008 A Coruña.